



Inatsisartut suleriaasianni § 36 imm. 1 naapertorlugu Naalakkersuisunut apeqqut imaattoq matumuuna saqqummiuppara:

Uummannami peqqinnissaqarfimmi Nakorsaaruttitsiniartoqarnersoq matumuuna apeqquteqarnikkut paaserusuppara, tamannalu ilumoorsimassappat suna tunngavigineqarnersoq paaserusuppara?

(Inatsisartunut ilaasortaqaq Jens Lars Fleischer, Siumut)

Tunngavilersuut:

Ulluni makkunani inuit akornanni annertuumik eqqartorneqarpoq Uummannaq nakorsaarutsinneqassasoq, kiisalu nakorsartittussat Ilulissanut ingerlanneqartassasut. Tamakkulu pisut Uummannap kommuneqarfiani najungaqartunut annertuumik toqqissiunnaarutaasoq malunnarpoq.

Ilisimaneqartutut Uummannap kommuniani nunaqarfiit arfineq marluupput, taakku nakorsamik tikinneqartarnerat ullumimut angalaniarnernikkut assut ajornartorsiutaasarpoq, ajoraluartumik akuttusuumik tamanna pisarluni.

Taamaattumik tusartakkat eqqorsimassappata annertuumik kinguneqarnerlunnissaat takorloorneqarsinnaavoq.

Taamaammat erseqqissumik piaartumik paaserusuppara ilumut Uummannami nakorsaarutitsinissaq pilersaarutarnersoq. Kiisalu paaserusuppara ilumut taamaattoqassappat sumik tunngaveqarnersoq, aammalu qaqugumut pilersaarut piviusunngortinneqassanersoq paaserusuppara.

Inuulluaqusillunga.

Jens Lars Fleischer,
Siumut